

voer dat wapen ons heren in onser lieū  
vrouwen kercke soe heuet hem onse he  
gheopenbaert bloedich en ghewondet  
waer om die selue paeus heuet ghege  
uen allen kerstenen menschen die dit  
lesen myt deuotien en ynicht hoers her  
ten op hoer knien ter euen der passien.  
ons heren aflact van allen sonden.

**Mijn Ghebeth** **¶**  
In my ghehoethnisse moete  
sijn o alre guedertpreste  
Jesu die tekenen dijner  
bittere pijnen Die du  
heuest gheleden in die tyt der passien  
banden ioeden vermaledijt In deser  
oefringhe ansie ick eersten die peninge  
daer dy heft voer vercoft iudas die  
berrader Als hie dy heuet ouerghel  
uert den ioeden. die dy hebn gheslage  
ende ghewondet sonder reden Daer  
nae bedestu dynen hemelschen vader  
dat hie dy den keldk des lydens wol